



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Parallela Geographica Italiae Veteris Et Novae

Briet, Philippe

Parisiis, 1649

Nvm. 6. Politia recens Siciliae.

urn:nbn:de:hbz:466:1-13120

cerfuntur quoque inde vina, oleum, faccarum, herbæ medicæ ad conficienda pharmaca. Tapetes quoque maximè ex corio deaurato hinc allati magni fiunt in Europâ. Sulphur & nitrum diligenter feruatur ab Hispanis ad puluerem nitratum, ex iis enim confectus puluis tormentarius potentior est.

NVM. 6. *Politia recens Siciliæ.*

REX Hispaniæ huius Infulæ se Principem vocat, non tantùm in temporalibus, vt aiunt, sed etiam in spiritualibus; quare si hic Sacerdos ad Pontificem appellaret multaretur: ideoque qui libelli offeruntur sæculari iudici (vocant hunc Magistratum *Monarchiæ Spiritualiſ Indicem*, seu *Inquiſtorem*) inferibuntur Beatissimo patri, & ab Epifcopo ad hunc iudicem prouocatur. Videlicet Reges Siciliæ se dicunt legatos natos à latere, ideoque ſibi ius arrogat puniendi, abſoluendi, excommunicandi Clericos etiam Cardinales: vno verbo ſibi tribuunt omnia quæ inuaſit Henricus VIII. niſi quod hæc habere ſe à Summo Pontifice profitentur. Impugnauit Cardinalis Baronius Tomo XI. ius iſtud, contenditque Bullam quam ferunt conſeſſam ab Urbano II. Rogerio Regi, extendi tantùm ad hunc Rogerium, & eius filium, & toties reuocatam eſſe, quoties regnum in nouam familiam tranſiit: ideò feueriſſimè interdictum ne Tomus ille Baronij in Sicilia, & regno Neapolitano legatur, aut retineatur.

In temporalibus autem adminiſtratur hoc regnum à Prorege, Admiralio, Comite Stabuli, Cancellario, Senefchallo, Quaſtore, Conſeruatore, Portuum magiſtro quem *Portulauo* vocant, Protonotario, Magiſtro ſecreti, & Magiſtro Iurato, ex quibus, ſi hunc vltimum excipias, conſilium Regium conſtituitur.

Hic etiam Curia triplex, Magna Curia, Sacra-conſcientia quæ eſt appellationum, & Curia Patrimonij ſeu Dominij.

Meffana, & Panormus ad inſtar Rerumpublicarum ferè adminiſtrantur; licèt Meſſanæ degat ſecundus à Prorege Magiſtratus vulgò dictus *Stradigo di Meſina*, qui illuſtriſſimus appellatur, & triginta haſtatos *Hallebardiers* corporis ſui ſtipatores habet.

Commemoratur & in Sicilia ſtatus qui ex tribus corporibus (*Brachia* vocant) conſicitur, ex *Eccleſiaſtico* videlicet, Epifcopis, *Archimandritâ* Meſſanæ, Abbatibus, &c. ex *Militari*, hoc eſt nobi-

libus qui Insulam tueri debent; *ex Dominio*, id est ex urbibus Mefanâ, Panormo, Catanâ, &c. Et hi omnes deliberant de dono Regi conferendo, seu Donatiuo.

Rex Hispaniæ colligit ex hac Insulâ millionem vnum ducatorum annui reditus, præter Donatiuum. Quidam aiunt conscribere posse octoginta millia *Fistulorum Arquebuziers*, & triginta Equitum millia. Panormus vna viginti sex peditum millia, decem millia Equitum conficere potest. Vulgò Prorex habet 200. Hispanos Prætorianos, in arcibus & præsidis 2500. Regio insuper sufficitei peditum decem millia, Equites 1500. qui additi nobilibus Equitibus conficiunt tria millia, & ducentos Equites.

§. 2. De Melita, & Insulis ei adiacentibus.

NVM. 1. *Nomen Melitæ.*

ANTIQUVM nomen retinet leuiter inflexum, litterulâ vnâ expunctâ. Consule & quæ diximus in Antiquâ.

NVM. 2. *Amplitudo Melitæ.*

ANTE aliquot annos dicebatur eius *Longitudo*, 20. aut viginti duorum millium; *Latitudo* duodecim, *Ambitus* sexaginta. Sed ante aliquot annos qui eam accuratè dimensus est Geometra tribuit ei 40. passuum millia *longitudinis*, ferè viginti, *latitudinis*: de *ambitu* nihil statuere voluit, ob crebros sinus quibus lancinatur.

NVM. 3. *Qualitas Melitæ.*

LICET hæc regio sit paulò calidior, tamen refrigeratur ventis Zephyro, & Cauro, at neque niuem, neque glaciem videt nisi allatas, & arte seruatas. In tota Insulâ vltra quatuor pedes nihil præter scopulos, & rupem inuenies. Ad Medinam, seu veterem urbem frumentum satis copiosè prouenit, quod tamen alere vix potest indigenas per tres menses, itaque ex Sicilia apportatur. Vbique Gossipium *le Coton* feliciter succrescit, magno vbique in pretio, & post demessum hordeum seritur. Quomodo hîc terra & lapides valeant contra serpentes dicemus in Admirandis. Meli ibi tantâ etiamnum copiâ legitur, vt quidam dictam velint à melle. Equi hîc quoque robustissimi, & generosissimi, accipitres no-